

CEOEk soldatei buruz negoziazioa egitea proposatu die sindikatuari


«Kaleratzeen garaia amaitu» dela ziurtatu die Cuevasek enpresariei

CEOEk soldaten politikari buruzko negoziazioak hasteko eskaintza ofiziala egingo die datorren egunotan sindikatuari, atzo Jose Maria Cuevasek iragarri zuenez. Cuevasek kaleratzeen garaia amaitu dela aldarrikatu zuen eta grebaren arrakastaren arriskuez ohartarazi zuen.

MADRIL

CEOEren ohizko batzarrean bildutako 600 enpresarien aurrean egindako hitzaldian, soldatei buruz Gobernuak gizarte hitzarmenaren hasieran egindako proposamena plazaratu zuen. Ondoren bazterturik geratu zen proposamen arabera, langileen erosteko ahalmena % 5,5 gutxituko zen hurrengo hiru urteotan lanpostuei eusteko konprometuzaren truke. Sindikatuari negoziatzeko eskaintza idatziz egin arren, Cuevasek sindikatuen ezetza jasoko duela aurikusten duela ziurtatu zuen.

Enpresarien burua kezkatuta agertu zen, urtarileko greba arrakastatsua izango balitz. Gobernuak bere neurriak alda ditzakeela uste duelako, «1988ko abenduaren 14eko greban gertatu zen bezalaxe». Atzo bere bosgarren urteurrena bete zuen greba arrakastatsua hori «egungo gaitz ekonomiko guztien sorburua da» Cuevasen hitzetan, «orduz gero, Gobernuak bere aurrekontu, zerga eta soldatei buruzko politika aldatu, eta diru politika murriz-



Lan merkatuaren berritzean «urrunago» joan nahi du Cuevasek. EFE

tailea indarrean jarri zuelako».

1988ko grebak bigarren ondorio larregarria izan zuen Cuevasen iritziz. «Greba horren ondoren, sindikatuak ikusi zuten presioa eta greba elkarriketa baino bide eraginkorragoak zirela Go-

bernu ahul baten borondatea aldarazteko». Nolanahi ere, krisiari konponbideak aurkitzeko, «elkarriketa eta negoziazioa greba baino bide hobekia dela» ziurtatu zuen Cuevasek enpresariei.

Greba egunean enpresariak enpresak zabalik edukitzen saiatuko dira eta Gobernuari «lan egin nahi duten langileen esku-bideak ondo bermatzea» eskatu zion.

«KALERATZEEN GARAIA AMAITU DA» Bere aurrean bildutako enpresariei kaleratzeen garaia amaitu egin behar duela esan ondoren, Gobernuaren neurri berriekin sortuko den lan merkatua Europakoarekin «% 10 besterik ez da parekatuko» nabarmendu zuen eta harantago joatea eskatu zuen lanpostuak sortu nahi badira. Zerbait arlo berritu gabe geratu direla ziurtatu zuen, eta horien artean «langile finkoen kaleratzeen prezioak berdin segitzen» duela aipatu zuen.

Bere hitzaldian lortu berri den GATteko akordioa ere komentatu zuen Cuevasek eta bi alderdi zituela esan zuen. Alde batetik, «onuragarria da munduko ekonomian konfiantza berreskuratuko delako» baina bestetik, «ondorio kezkarriak izango ditu Espainiako nekazaritzan eta gutxi esportatzen duten industri sektoreetan».

Grebari dagokionez, Manuel Zagirre USOk idazkari nagusiak bat egin zuen atzo UGTren eta CCOOren deialdiarekin, sindikatu horietako ordezkariekin bildu ostean. Zagirrek iragarri zuenez, greba urtarilaren 26an edo 27an izan liteke. Greba horren helburua «herri honetan negoziatzeko dauden gai guztiak lehenbailehen berreskuratzea da» USO sindikatuko idazkariaren arabera.

Inspezio horien bitartez, gaur egun ordaintzen ez diren 70.000 milioi pezeta (hiru miliar libera inguru) jaso nahi ditu Hazienda Ministerioak. Beste zenbait delituen artean, Gizarte Segurantzari ez kotizatzea, enpresariak beren langileak Gizarte Segurantzari ez sartzeara eta lege kanpoko etorkinen kontratazioa daude.

Iruzuraren aurkako Planeko 175.000 inspektioez gain, INE-Mek ere bere prestakuntzak jasotzen dituzten 250.000 langaberi ikertuko ditu, lan egin arren langabezi laguntzak jaso ditzaketelakoan. Ehun mila langaberi prestakuntza okupazionala ikastaroak egin ahal izango dituzte langabezi laguntza jaso arren.

MADRIL

Iruzurak eragozteko asmoarekin 175.000 enpresa bisitatuko dira

Gizarte Segurantzari iruzur egin liezaioketen 175.000 enpresa bisitatuko dituzte datorren urtean Hazienda Ministerioako inspektoreek, atzo Carlos Navarro Lan Ministerioako idazkariordeak iragarri zuenez. Lehen epean, Mediterraneo Itsasoko kostaldean aztertuko dute Haziendako ordezkariak, baina Tenerifeko Santa Cruz, Kanaria Handiko Las Palmas, Zaragoza, Madril, Sevilla, Granada, Huelva, Pontevedra eta A Coruña ere izango dira. Eraikuntza, ostalaritza, nekazaritza eta konponketak izango dira azterketa gehien jasoko duten arloak, baina eskualde bakoitzean garrantzia duen sektoreko enpresak —larrugintza eta oinetakogintza Alacanten eta ehungintza Katalunian eta

CESIDen auzian Serraren aurka egin lezakeela iragarri du PPK

MADRIL

CESIDeko kide ohiek egindako telefono entzuketan erantzule politikoa Gobernuak da PPren ustetan, Francisco Alvarez Cascos bertako idazkari nagusiak atzo esan zuenez, «legez kontrako entzuketak ahalbidetu duen giroaren sortzailea exekutiboa izan baita».

Alvarez Cascos iragarri zuenez, PPK CESIDeko kide ohiek egindako telefono entzuketan erantzule «nagusi» aurka judizialki egiteko asmoa du. «Bigarren mailako erantzuleekin ezin gaitzeko konformatu. CESIDek egin zezakeen guztiaren erantzule

leak Narcis Serra du izena, bera izan zen 1980ko hamarkadaren hasieran CESID antolatuta zuena eta bera izan da orduraz gero Estatuko inteligentzia zerbitzu guztiak koordinatu dituen, batez ere Gobernuako 'babesturorde' denetik». Alvarez Cascos zerbitzu sekretuen kontrola Legebiltzarraren esku geratzea eskatu zuen eta telefono bidezko komunikazioen gaineko sekretuaren bermeei buruzko galdera egin zion Gobernuari. Perez Rubalcaba ministroak, ordea, berriz ukatu zuen Gobernuak eta zehazki Narcis Serrak ez dutela zerikusirik CESIDeko kide ohien entzuketarekin.

LABURREAN

PRESO frantziar bat askatu dute Irakeko agintariak

Jean Luc Barriere frantziarra aske utzi zuten atzo Irakeko agintariak herrialde horretan preso sei hilabetez egon ondoren. Barriere bihar itzuliko da Frantziara, bere askatasuna eskatzeko Bagdadera abiatutako zentro-eskuineko bi diputaturekin batera. Hogeita bost urteko Barriere Kuwaiten egiten zuen lan eta muga lege kanpo pasatzeagatik atxilotu eta zortzi urteko zigorra ezarri zioten Iraken.

SOLDADU bat hil da Cordoban tiro probetan

Soldadutza egiten ari zen Jose Abelardo Manzanque Ciudad Realgo gaztea hil zen atzo Cerro Murianon (Cordoba) tiro probak egiten ari zela, mortero batek armaren hodian lehertuta. Gertakari horretan ere Huelvako Pedro Redondo soldadua larri zauritu zen zituen bi hanketan, baina bere bizia ez dago arriskuan.

FRANTZIAKO nekazariak GATTen aurka

Coordination Ruralek deiturik, 1.300 nekazari Frantziako Legebiltzarrean eta Matignon jauregian sartu nahi izan zuten atzo GATteko akordioei buruz erreferenduma eskatzeko. Phillippe de Villiers eta Jean Pierre Chevenementen laguntza izan zuten nekazariak ez zuten Edouard Balladurrekin hitz egiterik lortu, Poliziak beren aurka ekin baitzion.

UDALEK zor zaien diru guztia exigitu dute

Udalak eta diputazio probintzialak biltzen dituen FEMP elkarteak baztertu egin du Gobernuak egindako 30.000 milioi pezetaren (1,3 miliar libera) eskaintza eta zor zaizkion 47.000 milioi pezetak jaso arte gainontzeko negoziatio guztiak eten egingo dituela ziurtatu du. Dirutza horrez gain, bankuei eta kreditu erakundeei zor dizkieten bi bilioi pezetan interesak jaiste eta ordainketak atzeratzea eskatu dute udalak.